

蒙化范氏族譜

卷三

蒙化范氏族譜卷三分目

蒙化县范氏报忠祠鸟瞰图

蒙化县范氏报忠祠平面图

玄珠山范氏祠形势鸟瞰图

禾里坡世袭明威将军始祖范公父子茔墓图

添泽堡葫芦山人暨孝子举人范公茔墓图

隆庆山钦考清官第一范公父子茔墓图

三甲地慕劬庵形势图

祖塋

报忠祠

龙华寺

募劬庵

报忠祠祭祀仪注

祭始祖报忠公祝文

祭入真祖祝文

报忠祠祭田

萧厅丞分拨三胜约田亩札谕

附清册

李师长批飭

蒙化县政府训令

报忠祠祭田表

报忠祠祠产管理委员会简章

族规

明旌表孝子举人范廷吉公传

清授儒林郎晋封奉政大夫范心斋先生暨配

梁太宜人冢传

清授奉政大夫范辑五先生暨元室赵淑人继

室张淑人冢传

清逸士范公介石传

民选瑞金令范公冢传

清郡学士范公端山事略

龙华寺记

重修龙华寺碑记

重修龙华寺圆通殿碑记

募砌庵碑记

募砌庵坟地界址碑记

募砌庵坟地禁葬界址碑记

家化范氏族譜卷三

祖塋

古者无堪輿之说。葬不择地。周礼墓大夫掌邦墓。国人死丧各随所亲。从其昭穆。瘞於一壤。是谓族葬。墓大夫为之正位。分域。掌其禁令。与泰西公墓制度相同。自秦罢封建。宗法不行。族葬之礼遂废。于是人各一丘。自为卜葬。孝经亦有卜其宅兆而安。唐之文。绎卜字义。乃决吉凶于龜筮。葬必先卜。非谓墓地自有吉凶也。明甚。汉魏以后。术数家出。班固艺文志始有堪輿宫宅地形等书。然佚而不传。郭璞葬经尚属平

正无诡誕言论。此后杨曾廖赖辈出。其言汪洋瀚漫。不可究诘。近则言葬之书。汉牛充栋。益支离附会。寸步皆凶。或格于方位。或妨于生命。或忌于神煞。或碍于卦气。致使阅数岁而无可葬之年。尽一州而无宜葬之地。由是黠者觊非分之福。以枯骸为梯媒。愚者怵或然之祸。任遗蜕之暴露。有停柩择地者。有迁葬改葬者。自葬书行。而妨害于人生事业者多矣。人子播迁其亲。不能速正首丘者亦多矣。不知古葬期天子七月。诸侯五月。大夫三月。士庶踰月。原无选择时机。过期不葬。即属非礼。今人自蹈非礼者。不可胜数。

是皆误于堪舆家、以父母遗骸、妄干利禄之异说耳。
问者曰：地果不足择耶？亲丧任委于沟壑可乎？曰：是
又不然、以枯骨判吉凶、应祸福、必无是理、但仁子于
亲、求其所以安养者、无微不至、生则舞綵娱志、极饫
食居处之养、没则妥其体魄、备千古长眠之安、营兆
必避隰、从原、就燥、防湿、无风、穴水、蚁侵、扰得山川中
和正气、斯已可以尽事亲之道矣。旨哉程子之言曰、
以土色光润、草木茂盛、为吉地。朱子云、须形势拱揖
环抱、无空阙处、乃可用。此即仁人孝子用心之极致。
凡为亲择地者、当以此为龜鑑。夫阴地者、心地也、圣

賢立教惟望人省心修德而已。我德不積，虽吉地未必获福。我德既積，岂凶地所能限制哉。吾族来自江南，始祖报忠公以官隶蒙，后阵亡异域，遗骸未返，乃奉衣冠葬于禾里坡之原，是为吾族祖塋之始。既后支分派衍，各自阡葬，近城四山皆有邱墓，不能俱纪。兹仅择其有关六支发源，而地较著名者，笔之于篇。俾后世子孙知本源所自，不致数典忘祖，并以风水祸福不足深信之说，并诸筒首以冀族人为亲营葬者，准礼原情，得中和自然之道，不为青乌铁帚所惑，斯即区区之微意也夫。

一禾里坡塋地一区、即段家庄后山脚、为伏龙岗之首、葬始祖兴公、公尽节沙塲、遗骸未返、只剩足靴一支、归葬于此、俗名靴子坟者是也、二世祖福公、礼公、祐公、禧公、三世祖瑄公、政公、四世祖文公、均祔葬焉、变乱以后、碑坟倾圯、近沙为水所冲、已伤及坟、民国二十五年、曾迁移修治一次、现又继续陷落、大好堂局、十去八九、陵谷变迁、诚可慨然、

一范家山塋地一区、在段家庄后五里、葬五世祖嵩公、六世祖元愷公、暨其子孙、

一隆庆山塋地一区、即与范家山相连、山场甚宽、凡

礼公之后均葬于此。

一天策堡塋地一区，即在村之北端，葬五世祖瑞公、六世祖宗公、七世祖运昌公、运周公、运古公、运吉公、运启公、八世祖沂公、渭公、九世祖天定公，其间巍然在望者，即郡志所载之葫芦山人墓也。

一天策堡西南，塋地一区，俗名白坟，葬二支三世祖智公、胜公。

一天策堡东北，塋地一区，俗名老六坟，相传葬二世祖禄公，或曰系第六支之祖塋，古塚累累，因无碑志，不可以考，惠公、肅公、杨氏之墓，即在其侧，有墓

志是为诸墓志中之最古者

一峰磨桥村北塋地一区凡峰磨桥陈官厂两支之祖人均葬于此

一龙王庙后山塋地一区葬运亨公演公泽公

一五里坡又名伏龙岗塋地一区八世祖演公之后均葬于斯

一龙华寺后山塋地一区葬二世祖棋公其西南则凡棋公之后均葬于此

一碧波室后山塋地一区葬五支四世祖子荣公暨其子孙凡东门外之支均葬于此

一 龙华寺前塋地一区、葬四支七世祖霁公、八世祖瑞世公、而五支祖人亦葬于此、似系两支互葬、界址不能分析、

一 柳林山塋地一区、即采花村后山、葬八世祖泾公、九世祖天祐公、十世祖恒公、十二世翊公、凡泾公之后、除葬三甲地者外、其余均葬于斯、

一 三甲地塋地一区、距城二十五里、其脉由龙潭大顶、经谷波罗过峡、分注于此、盖西干之支龙也、拱揖环抱、形势尊严、正穴二、一葬九世祖天祐公、孺人周氏、一葬乡贤公悦、凡乡贤公子孙、均祔葬左、

右山陬有慕劬庵。乡贤公建以隐居。庐墓者。庵外
乔松参天。修篁蔽野。间以溪流。境极幽邃。又前面
小邱之侧。地稍夷。相传古时有屋曰茅庵。亦先人
庐墓之所。现仅遗址耳。

一伏龙岗塋地一区。葬四世祖质公。暨其子孙。

一大坟地塋地一区。葬十二世祖师正公。暨其后。

一小沙田塋地一区。凡质公之后。皆葬于斯。

一巍山白沙井塋地一区。葬逢沛公孺人林氏。暨其
后。

一罗球新庄塋地一区。葬十三世祖来仪公。暨其后。

一 罗球大窑村、塋地一区、凡禧公子孙皆葬于斯、
一 象山坡前、塋地一区、葬十四世祖暾公、十五世祖
守玉公、暨其子孙、

一 象山坡后、塋地一区、葬十一世祖逢泳公、暨其后、
一 永济乡巡检街前、塋地一区、凡北川陈官厂之枝、
均葬于斯、

一 十八盘、塋地一区、在五道河上、山势陡绝、盘旋十
八折始至、因以得名、至则豁然开展、别有景象、山
深林密、松柏交加、其山正脉、由东干奔驰而来、霭
然凝结、五支十七世趋品公、及太夫人陈氏之宅、

兆在焉。坟前泻小溪流，溪畔陈稻田三五亩，田尽有屋数椽，名种松居，山花吐艳，泉石亲人，颇饶清趣，是皆源澄之所经营也。源澄不慕荣利，隐居树艺，以避尘嚣，生曠亦预建于侧，墓园别墅兼而有之。

一 东河梨园，塋地一区，葬十七世慎修公，其傍有伺平山庄，公晚年隐居于此，以诗酒自娱，其地据锦溪上游，擅山水林泉之胜，松竹夹道，桃李成荫，野鸟山花，纷然错杂，春秋佳日，游人甚多。

一 眠犬山麓塋地一区，葬十二世祖孝正公暨其后。

报忠祠

范氏祖祠据元愷公旧谱云在等觉寺街明嘉靖间元愷同运吉合力鼎建年深岁久遗址已无可考报忠祠系特建专祠祀始祖明威将军蒙化卫指挥范公讳兴公于明洪武中晋蒙化卫指挥监筑蒙城永乐初征交趾阵亡子若孙袭世职者十传前清顺治十八年裁各卫所世职乃汰地方绅民以公功在城隍泽及后世复远征异域尽节沙场公请建祠崇祀于雍正元年后裔逢澜逢沛逢溶等奉文建于东门外飭名报忠祠乾隆四十年景仪等增修大门三间